


新修長蘆鹽法志

第四冊

卷四

天章二



長蘆鹽法志卷四

天章二

高宗純皇帝御製詩

御舟墨寶

桃源耕者存古風。千畝合作衆力攻。彼此借助相通融。不勞長
官頻課農。鳴鑼呼召羣來從。閭閻親睦和氣濃。渡河經川舟可
通。閱隄策騎欣初逢。兩浙三吳迴憶中山容。水態春翹紅不無。
寄興吟題重。未若茲者愜予衷。不知有漢敦龐崇。泉明記豈徒
鑿空。寰宇如是信大公。垂裳南面正己恭。但思民欲難強同力



田任恤俗化隆為爾更切祈年豐 桃源耕者一首 辛未清

和月上泮御筆 直幅 灑金碧箋本 宸翰 璽二 惟精惟一 乾隆

清明最喜是晴明韶秀昆陵緩轡行紅杏都含宿雨潤綠楊不

動曉風輕紙鳶竹馬兒童戲鳩杖鶯衣父老迎水市吹簫那成

曲人家遙識賣新錫 丁丑清明一律御筆 直幅 藏金紙本 璽二 乾隆御筆

摘藻為春

東西南北四湖通謝傅遺休擬召公我適乘舟經澤國修防宣

蓄慮何窮 邵伯湖作 丁丑仲春月御筆 直幅 灑金黃紙本 璽二 乾隆

視河將欲至徐城五日姑蘇便啟行浙省萬民齊望幸吳川一

宿且兼程設緣翫景生留戀豈是因心凜旦明老幼不須攀載

道迴途當為小停旌 丁丑仲春曉發蘇州作御筆 直幅 灑金 碧紙本

璽二 乾隆宸翰 惟精惟一

北地花朝花未開吟詩惟以寄清懷南國花朝花已放漾舟觸

目饒新賞未開盼開趣有餘已放惜放翻躑躅世間萬事率如

斯旁觀生羨當局迷柔紅嫩紫爾莫喜已有紛紛付流水 花

朝放歌一首 丁丑仲春月望日御筆 直幅 灑金藍紙本 璽二 所寶惟賢 乾隆

御筆

輕舟曉日別吳門川路溪烟漾晏溫柳葉青籠雞犬社菜花黃

入苧蘿村分疆頓覺民風異轉壑都關吾意存恩沛寧無需再
沛疇咨大吏悉心論 丁丑仲春入浙江境作御筆 直幅灑金
碧紙本

璽二 乾隆

金閭三日畧延留鳳船平明啟蹕郵惠瀑重期清入聽靈巖迴
望翠凝眸豈無餘意民情戀更有殷憂河務籌况復秣陵亟徯
我便當減從一為遊 蘇州啟蹕作 丁丑暮春月御筆 直幅
灑金

黃紙本 璽二 乾隆

運河之水東南流催漕風向西北遞風水胡迺太相運造物節
宣有妙意順水行舟南者欣順風揚帆北者遂是謂天地之大

公往來無不資利濟順風復希順水人不知足矣聽斯議 運

河行 丁丑暮春月御筆 直幅灑金黃紙本 璽二 所寶惟
賢 乾隆御筆

兩日陰晴大霧為雨舟行致遲數刻里許一時風作順風揚帆
數里片刻此樂不凡往屈來信屈信相感精義入神不出近覽
椀席飽挂更當迅斯黃頭弗可厥有理辭一往趁勢末恐難收
萬事如此寧惟行舟咄哉至言足以啟予執藝以諫不啻曰俞

雜言一首 壬午仲春月御筆 直幅灑金淺紅紙本 璽二
得象外意 乾隆宸翰

清黃滙後清常弱此號清江意寓深咨爾建牙督河者體予保
障卹民心春巡問俗欣猶昔水驛行程數自今安福艫中梅一

朶江南消息遞侵尋 清江浦一首 壬午仲春月御筆

直幅 灑金

淺紅蠟箋本 壘二 乾隆

過河逢麥色寒暖北南殊因憶尤教喜入詩兼可圖未成風擺浪已自露貫珠賴此青黃接絕勝看綠蕪 麥色一律 壬午

仲春中澣御筆 直幅 灑金淺紅紙本 壘二 乾隆

覆孟城北艤行舟玉勒城中歷覽周建置詎惟圖目覩資生要欲悉心求下河獨斷幸無滂連歲羣稱歌有秋馬首拜恩亦奚

籍哺孩寧復望其酬 過高郵州作 乙酉仲春中澣御筆 直幅

灑金米色紙本 壘二 所寶惟賢 乾隆御筆

昨日東南風舟行誠覺遲今日東北風舟行迅似馳檣竿可張帆邪許喜榜師須臾風力足越馳乃如飛大船中流若無事小船前行數里計瞥眼大船已及之劬劬小船欲迴避迴避不能將壓臨憑覽獨覺驚吾心大小不倫勢若此可恃為君莫吾比

雜言一首 乙酉仲春月中澣御筆 直幅 灑金米色紙本 壘二 惟精惟一 乾隆

隆宸翰

南邦四度度花朝每度花朝景物撩北地豈無二月望女夷應是夢中消 未見花開不免希既開轉覺惜芳菲試看玉簇錦叢裏已有媽香幾片飛 苑枯誰所又誰能祇有無生是上乘

却憶去年潭柘寺。悟拈花處得相應。花朝三首。乙酉仲春

月中澣御筆。直幅。灑金米色紙本。璽二。乾隆。

江郊宜雨更宜晴。麗景迎曦嫩暖生。催漕東南風豈礙。漲添順

水送舟輕。東南風旋轉西南藉。卜開晴有俗談雲散日輪光

尚淡。八波疑是玉蟾涵。柳態蕪姿入畫情。隄梅又放兩三英。

似傳鄧尉催人意。却為觀民不趲程。晴三首。乙酉仲春月

中澣御筆。直幅。灑金米色紙本。璽二。所寶惟賢。乾隆御

即事弗拘題。所遇皆可詠。夜雨曉漸稀。朝風午欲定。當其風雨

時。黃頭心固恹。農父順帆舟。亦豈無欣慶。事蓋艱兩全。美還忌

太盛。詎惟所見然。吾擬通為政。即事一首。乙酉仲春月中

澣御筆。直幅。灑金米色紙本。璽二。惟精惟一。乾隆宸翰。

車邏諸石壩。所以洩狂瀾。洩之水猶盛。增置東西灣。亦謂悉心

謀。其如多來源。洪澤過五壩。厥勢誠滔天。詎此所能救。坐看潦

下田。因謀抽薪計。拆壩清口宣。為之定尺寸。寬窄相衡權。年來

守此策。洪澤洩漲前。

天恩更未滂。五壩無漏泉。車邏常封土。下河有收連。歷覽為額慶

吾言中。偶然而此詎敢矜。惟益勵惕乾。車邏壩作。乙酉仲

春月中澣御筆。直幅。灑金米色紙本。璽二。乾隆宸翰。落

大船張帆如箭急。小船爬沙苦弗及。以篙鉤挽大船尾。攜小船行巧注挹。大船人怨遲。己行小船人樂省。力勅中才者不中才。養故人樂有賢父兄。一射生挈十鈍手。國有舊語亦知否。舟行雜興一首。乙酉春閏上澣御筆。直幅灑金米色紙本。所寶惟賢。乾隆御筆。

霽景麗天杠。水程發畫艘。清晨別茂苑。已刻過吳江。迎送民情篤。郊圻春色樅。明將入浙境。時邁亦予邦。蘇州啟蹕一首。

乙酉春閏上澣御筆。直幅灑金米色紙本。壘二。乾隆。

一川不異舟。兩省頓分郵。風俗漸因別。桑麻較更稠。春晴真是暢。三載忽如流。祇覺民情切。惠鮮可忘謀。入浙江境作。乙酉春閏上澣御筆。直幅灑金藍紙本。壘二。乾隆。

武林門外候蘭船。旬日盤桓合命旋。指數流陰迅。稔冉情知勝。處戒留連。江工塘壩籌悉定。民事農桑期恐愆。勤爾農桑須盡力。莫更依戀蹕途邊。杭州啟蹕作。乙酉春閏中澣御筆。直幅灑金藍紙本。壘二。乾隆。

水風啞啞拍舟鳴。吹散吳雲喜快晴。夾岸菜花與桑葉。宜暘總覺愜予情。鳩已無聲鵲已鳴。所希繼此浹旬晴。農夫織婦歡迎蹕。爾我同斯悅霽情。喜晴二首。乙酉春閏月下澣御筆。

長蘆鹽法志

卷四

天章二

六

直幅灑金藍紙本

壘二

所寶惟賢

乾隆御筆

纔方盪漿返南湖興託湖樓烟雨圖入夜寥寥却頻霏滿川點
滴乍平鋪問誰司化真奇矣迺善循名若此乎適可宜晴多未
可恐妨織婦與耕夫 夜雨一律 乙酉春閏月下澣御筆

直幅

灑金藍紙本

壘二

乾隆

翠華五日駐蘇城適可平明返蹕旌展義兼應臨白下省耕要
欲趁春晴攀留親意過尊意觀察民生即我生却是尋常無戀
者不能無戀此輿情 蘇州啟蹕作 乙酉春閏月下澣御筆

直幅灑金藍紙本

壘二

乾隆

南巡往返路胥經古郡因教兩日停三月烟花雖入畫邗溝春
水合揚舲民情到處皆親愛我意無時忘撫寧最喜雲消輝旭
影宜暘夾岸麥葱青 維揚旋蹕作 乙酉暮春月既望御筆

直幅灑金藍紙本

壘二

所寶惟賢

乾隆御筆

大船動移艱小船轉旋利以之受重載始知遠不逮大船進每
遲小船行常疾順風揚廣帆落後乃如失香象不似狡兔便其
勝負馱若祁連蟻子爬沙終日走弗及封駝一步遷君子小人
別乎此不取目前可言理 雜言一首 乙酉暮春月中澣御

筆 直幅灑金藍紙本

壘二

惟精惟一

乾隆宸翰

辛未過桃源高斌奏曾記云此地耕者猶能存古制鳴鑼合羣力相與勤種概不獨其言然隄旁呈覽試此實任郵風因之紀五字丁丑及壬午兩度經斯地未逢向所見茲用諮大吏則稱行實難而且無其事斌豈欺予者蓋受人欺蔽觀過可知仁重吟誌詳細桃源耕者一首乙酉暮春月下澣御筆

直幅灑金藍紙

本 璽二 惟精惟一 乾隆宸翰

北方春雨霑惟是去年好今年如去年此慶逢誠少南方自澤國憂過不憂小即今數日晴始幸麥可保仍繾江以南馳問資參考到處廛農功稼穡斯惟寶行將歷齊燕良苗閱沿道然詎敢心紓西成尚猶早復聞京師得雨乙酉暮春月下澣御筆

筆

直幅灑金米色紙本

璽二 惟精惟一

乾隆宸翰

圖欲瀉微湖尾閘大疏治韓莊聞迤西伊河就下利其餘彭潘口均自荆橋出前年率剔鬻魚金多涸地即今過伊河入運實暢遂然上源來少濟臨水虞匱顧漕慮棄農農顧防漕棄籌政所以難兩全益艱致過伊河入運口作乙酉暮春月下澣御筆

御筆

直幅灑金米色紙本

璽二 所寶惟賢

乾隆御筆

去時遵陸返乘舟一水殊分徐魯郵是日晴光明翠柳前旬雨澤渥來牟北河漕務心勤度西郡民風自始謀濟運籌農胥要

計戒更張亦塵詳求 舟行入山東境作 乙酉暮春月下澣

御筆 直幅灑金米色紙本 璽二 惟精惟一 乾隆宸翰

御艦安福早來迎一宿明當啟水程瞥眼兩年渾似昨快心春
雨此初晴長篇短什依然閱越水吳山幾度評勝景那更常介
意未能忘者是民情 題安福艦一律 丁亥仲春下澣御筆

直幅灑金黃箋本 璽二 惟精惟一 乾隆宸翰

前年跋馬過橋頭路指江鄉却猶遠今朝進艇自橋下景肖江
鄉翻似近迺知近遠曷有常廣惠顧名思政本兩岸老幼夾通
津盡誠非飾胥來親違道干譽則奚可亦曰如子視斯民斯來

趙北又如新過去江南已成故須彌大地水中擎何處非舟堪
契悟 御舟過廣惠橋作 丁亥仲春下澣御筆 直幅灑金黃
箋本 璽二

所寶惟賢 乾隆御筆

舟行七十二清河一一徵名邨免訛西受諸川東注海平成大
計畏心多 沽水千秋孰考源或淤為陸或河存北南分合邨
無異古派安詢鄴道元 掘鯉飛沙水已空滄桑語豈涉虛蒙
一時畫艦多清暇練賦因思左太冲 遼去金來自侮鄰金湯
壞祇在逡巡空傳愛國何承矩瀦水圖因阻北人 扁鵲醫王
豈自醫而今隄畔剩叢祠知微却乏知人術陰計李醢竟中之

西淀流為東淀池淤泥種植各圖私夏秋潦或艱容受此在
長官善理治 淀池舟行雜詠 丁亥仲春之月下澣御筆直幅

灑金黃箋本 璽二 乾隆

上巳舟中過良辰信未孤不須杯稷飲寧作水嬉娛岸綠烟橫
柳汀黃浪起鳧山陰王內史景趣底相殊 上巳一律 丁亥

暮春之初御筆直幅灑金黃箋本 璽二 乾隆

西風舟逆西東風舟逆東榜人例守此謂之搶上風及之過橋
洞扞格反不通天下本無事擾之因人庸矯枉過正者何不用
其中 搶風一首 丁亥暮春之初御筆直幅灑金黃箋本 璽二 乾隆

一片蘆汀緯道無兩行艇纜拽平湖黃頭省事誠嘻矣紅帽偏
勞亦念乎欵乃聲中過解舍蜿蜒勢裏擬龍鬚御舟博大堪承
重行處原資衆力扶 水緯一律 丁亥暮春之初御筆直幅灑金

黃箋本 璽二 惟精惟一 乾隆宸翰

風順舟行速行營益淀濱今朝仍水宿明日至天津蟻蠓羣飛
暖芷蒲爭刺春午過餘暇久問政惕逡巡 水營一律 丁亥

暮春之初御筆直幅灑金黃箋本 璽二 惟精惟一 乾隆

西沽三水匯流處南北運河清貫中徒恃隄防寧有是要當善
導俾宣通 郡城清曉返巡鑿迤邐西沽策馬觀行過烟村大

隄接御舟早已候河干 西沽二首 丁亥暮春上泚御筆

直幅 灑金黃箋本 璽二 惟精惟一 乾隆宸翰

東壁升春月過望輪微小初湧白水面漸飛綠樹杪誰知尚團

鏡翻入澄瀛皎波碎質如故連動光隨瀉應物而不染於焉愜

懷抱 月一首 庚寅暮春月既望御筆

直幅 灑金淺紅紙本 璽二 乾隆

順流兼順風到營未日中不必登陸岸居然似渚宮寢興原宿

昔天水接長空隄畔尤宜望青青春麥芄 水營作 庚寅暮

春月既望御筆

直幅 灑金淺紅紙本 璽二 乾隆

輿梁接通衢徹板御舟過江國殊石橋聳駕垂虹卧南北實異

宜利在因民作子曰惠不費其義所包大 過廣惠橋 庚寅

暮春中泚御筆

直幅 灑金淺紅紙本 璽二 乾隆

順風一刻行十里逆風一里行十刻大舟載重轉旋艱小舟載
輕轉旋亟雖有鎡基不如待時嗇夫諜諜釋之鄙其乘流揚帆
豈不好忌盛持重君子道 雜言一首 庚寅暮春月中泚御

筆

直幅 灑金淺紅紙本 璽二 乾隆

日日來瞻夾路民數逾億萬總相親觀餘復為塵深慮都是資

衣資食人 日日一首 庚寅暮春中泚御筆

直幅 灑金淺紅紙本 璽二 乾隆宸翰 惟精惟一

長蘆縣志 卷四
麥色鋪田綠且芄幸茲窪地潤霑叢觀來此固紓盼雨念到他
原懼作風絕勝畫圖欣看活未成餅餌敢言豐春雲時聚復時
散無那翹瞻卜度中 麥色一律 庚寅暮春中泚御筆 橫幅 灑金

淺紅絹本 璽二 乾隆宸翰 惟精惟一

筐兒港迤北流沙數處淺春月水致艱大舟滯動轉故用就深
處避淺三程展人知淺之害未知淺之善是河無牯壩流沙為
之限設非此停蓄一往水存鮮通漕賴乎茲一弊一利顯 即
事一首 辛卯仲春月上泚御筆 直幅 灑金 藍紙本 璽二 所寶惟賢 乾隆御筆
驅車過雖奴廣甸甚沮如去歲夏行潦此地被災遽永定既決

隄北運亦漫淤大田普無收曷以卒歲度是用賑濟施更勸勤
宣布今來細體察老幼歡夾路庶幾免流離未見仍廛慮秋麥
亦已茁禾黍云種布設以此地論懼雨宜晴煦雖然彼高田寧
無望雨處 過武清縣作 辛卯仲春月上泚御筆 直幅 灑金 藍紙本

璽二 所寶惟賢 乾隆御筆

仲月逮上弦川夕湊澄景舟艤泚漾間人疑廣寒境閃波斷却
連晶光峭猶冷御園豈不泛無過湖山等片時即歸棹清夜那
伴永滄滄宛相親朗朗斯益靜眠遲亦何妨恰合宵衣省 月
一首 辛卯仲春月上泚御筆 橫幅 黃絹本 璽二 乾隆宸

翰 惟精惟一

昨日溯游今溯河北南通漕意佳哉黃衣莫怨行舟慢指日順
流由此迴 靜海道中雜詠之一 辛卯仲春上澣御筆
村居比櫛頗寧盈柳口由來古渡名不見青青楊柳色阿誰折
贈寄遙情 靜海道中雜詠之二 辛卯仲春上澣御筆
當城沙砦遞經過宋畏遼金防涉河似此屯兵嚴守禦爾時百
姓竟如何 靜海道中雜詠之三 辛卯仲春上澣御筆
遇君封國兩無涉西陝東齊詎此哉誌乘不知何所據太公乃
有釣魚臺 靜海道中雜詠之四 辛卯仲春上澣御筆
迤邐三窪緣蓄水及逢霖雨潦原行救民自古乏長策盡力補

偏要以誠 靜海道中雜詠之五 辛卯仲春上澣御筆

行程原是指東南舟首時還西北探河勢不由人意定制宜因
地有名談 靜海道中雜詠之六 辛卯仲春上澣御筆

岸旁綫緯走河兵船上鳴鑼催緯行省己力因彼成事萬般都
可悉人情 靜海道中雜詠之七 辛卯仲春上澣御筆

銀牌齋賜老年翁夾岸歡呼拜下風禁止無端相攘敎施恩教
亦寓其中 靜海道中雜詠之八 辛卯仲春上澣御筆

臆心八幅

直幅素絹本 壘二 乾 隆

地勢北而南春月孟以仲均為漸就暖况值晴陽烘水風渾不

寒淑景宛堪弄柳隄綠向新杏埭紅欲重細毳率已換豐毛都
弗用日日鷓首坐為便覲光眾舉趾斯時哉莫誤勤耕種 暖

一首 辛卯仲春月中泚御筆 橫幅黃絹本 壘二 乾隆宸翰 惟精惟一

何代經過回道入千鍾滄酒醉河濱洞庭渤海豈殊地古往今
來不異春却笑重儷此奚必欲求一實亦無因幾行鴈字飛鳴
過鶴駕然歟向孰詢 過朗吟樓題句 辛卯仲春中泚御筆

橫幅灑金黃紙本 壘二 乾隆宸翰 惟精惟一

休助古所云懷保今所勉昨歲此地災賑調期均徧巡方茲目
覩幸道溝壑轉然未經見多加惠詎宜緩兩府界壤連受沴苦

弗淺三州及八縣舊欠概與免武清獨無欠豈不向隅歎蠲供
十之五用以旌良善麥收倘得豐庶少濟屯蹇是惟賴

天恩非吾力能辦 命免天津府及順天府所屬積欠詩以紀事

辛卯仲春月中泚御筆 橫幅灑金黃紙本 壘二 乾隆御筆 摘藻為春

虛亭若翼枕河濱舊蹟蘆臺紀創新句鈎陸游真作者詩題張
斛定何人邠稱考古志書博祇愛覲光民意親却是黃頭善持
重收帆催緯弗名循 過峭帆亭戲題 辛卯仲春中泚御筆

橫幅灑金黃紙本 壘二 所寶惟賢 乾隆御筆

艤舟策馬過長蘆為便民瞻近蹕途轡後鞭前任隨走老扶幼

挈盡歡呼似忘去歲逢災彼更廛中宵憫瘼吾庶矣富之猶未
得教之一字易言乎 策馬過滄州城作 辛卯仲春月中澣

御筆

橫幅灑金淺黃紙本

璽二

乾隆宸翰

惟精惟一

既云減水閘非宜興濟將仍例視之審勘更教同眾議諸凡毋
必詎惟斯 閱捷地減水閘四首之一 辛卯仲春中澣御筆
衛河漲欲減其盈歧口引流入渤瀛此地由來稱便捷豈因避
字浪更名 閱捷地減水閘四首之二 辛卯仲春中澣御筆
捷地相連興濟閘總圖一再減洪波猶然去歲潦章武蒿目民
艱竟若何 閱捷地減水閘四首之三 辛卯仲春中澣御筆

往返無過數武移亭軒備憩信何為竟當弗顧登舟去俾悉吾
心不在茲 閱捷地減水閘四首之四 辛卯仲春中澣御筆

行舟有賴櫓催梢棹且弗施櫓更拋那得微吟和嘔啞旁觀袖
手古曾嘲櫓 行舟四詠之一 辛卯仲春中澣御筆

周旋規中折旋矩操縱由來在舵工首領持篙都占却那論元
氣與微風舵 行舟四詠之二 辛卯仲春中澣御筆

川途宛轉風作息總覺收帆不肯張安得順風且直路平平讓
爾走中央帆 行舟四詠之三 辛卯仲春中澣御筆

前艇鳴鑼後艇應鈞鈞催緯速前行河兵肩弊足還趨黃帽安

然到水營

行舟四詠之四

辛卯仲春中泚御筆

應心八幅直幅

素絹本

璽二

乾隆

麥色南來日日添平鋪夾岸入吟拈青黃待接五月熟老幼偏

迎萬姓瞻蹂躪明看真可惜禁訶又礙概從嚴民情農計均吾

要衡量誠難兩得兼 麥色一律 辛卯仲春中泚御筆

橫幅 灑金

淺紅絹本

璽二

乾隆宸翰

惟精惟一

一水溯洄不易船送迎兩地畫疆連所欣親愛來老幼畧厭繁

華事管絃山左輿情五年隔江南眾望片時牽省耕展義吾惟

切行有絲綸沛惠鮮 入山東境作 辛卯仲春中泚御筆

橫幅

灑金黃紙本

璽二

所寶惟賢

乾隆御筆

御舟早候運河濱陸路行餘水路循一日之間遇李杜千秋以

上接精神麥苗夾岸穗將作柳葉籠陰絮已頻最是蓬牕心愜

處雨晴綠野出耕人 濟寧登舟作 辛卯暮春上泚御筆

橫幅

灑金黃紙本

璽二

乾隆

隆

本因禮

聖來祝

慈亦要事上水行舟難下水行舟易是用先

岱廟

闕里翻為次。雖曰各盡誠。恐滋後人議。今朝過南旺。水順復風利。計程七十里。未午已云至。船牕更餘暇。搗懷吟五字。搗懷

一首。辛卯暮春中泮御筆。橫幅。灑金黃紙本。壘二。乾。

安福艦來候碧潯。津瀛程啟撰良今。隔年入室如昨日。逝水行舟悟迅陰。蓋節中亭將歷攬。蝸寮蟹舍盡供吟。新題舊句各殊致。總寫勤民一片心。登安福艦作。癸巳暮春月上泮御筆。

直幅。藕色蠟箋本。壘二。乾。隆。

無非有事豈徒行。詎為春和玩景明。鷹嘴鹿瞳策隄務。魚庵蝸舍驗民情。過清明節柳葉吐。種沮洳田麥穎萌。隰不覺乾原逮

覺已因望雨意怍怍。即事一律。癸巳暮春月中泮御筆。直幅。

藕色蠟箋本。壘二。乾。隆。

漸遠村莊水面寬。水營因以構河干。嫌他行館修而飾。愛此居艦福且安。帆落春風靜。玉浦牕憑望。月漾金瀾。扈舟高下檣燈列。竟作南巡一例觀。御水營作。癸巳暮春月望日御筆。直幅。

藕色蠟箋本。壘二。乾。隆。

停鑿三日此揚舲。行館迴看柳墅青。閱武掄文舉次第。直沽塌淀悉情形。獨憐民戀就。瞻切常奉

慈歡億萬齡。兩岸麥苗方勃長。為因望雨意無寧。天津迴鑿之

作 癸巳暮春月中泚御筆 直幅 藕色蠟箋本 璽二 乾

啟行已覺細霏絲駐蹕仍欣嘉霽披誰識季春纔朔值又逢好

雨與舟隨郊原應渥五寸澤時節未乖十日期霽霽海雲布以

遍北南佳信此徯之 喜雨一律 丙申暮春月朔日御筆 橫幅

鈎金粉紅蠟箋本 璽二 所寶惟賢 乾隆御筆

上已臨川路誰循被稷靈風光真駘蕩草木正薰馨水碓有聲

畫麥疇無際青排當供

懿賞成事不教停 丙申上巳日作御筆 橫幅 鈎金素蠟箋本 璽二 惟精惟一 乾

隆宸翰

雜卉雖多鮮入詩卷筒丁亥憶圖姿今年春暖盆梅謝一例江

南託遠思 右憶 梅 乾 隆 舟中雜興之一 丙申暮春之初御筆 璽二

乾 隆

東墅西村綠與連一條白水劃長川無端春雨開生面如薺真

形見老顛 右詠 柳 乾 隆 舟中雜興之二 丙申暮春之初御筆 璽二

乾 隆

南方新到雨前茶畫舫竹鑪本一家恰是梁溪烟艇泛擎甌得

句定無差 右烹 茶 乾 隆 舟中雜興之三 丙申暮春之初御筆 璽二

乾 隆

文牀斐几得閒多習字非關為換鶯却笑右軍清逸者何稱筆
陣弄干戈右習字舟中雜興之四 丙申暮春之初御筆二 璽

乾隆以上牕心四幅直幅灑金黃蠟箋本

平舒難溯古置縣始明昌城郭行舟過士民迎岸旁下風任瞻
仰冒雨惜衣裳即此尊親意施恩可恕忘 過靜海作 丙申

暮春月上泮御筆 璽二 乾隆

古縣河干枕青青柳向城萬民孳益庶百室數猶盈總藉衣食
養安能粟帛贏憐他瞻就切幾里步隨行 過青縣作 丙申

暮春月上泮御筆 璽二 乾隆

蓬窻零入夜時密復時疎春月希斯矣優霑有是歟溟濛思接
上颯沓聽紛如陸路隨行衆能無歎挽輿 夜雨一律 丙申

暮春月上泮御筆 璽二 乾隆

五更雨漸止傍曙遂開晴既以慰農念還因利旅行順風指金
雀曉日掛銅鉦諸務都休美一心戒滿盈 曉晴一律 丙申

暮春月上泮御筆 璽二 乾隆以上牕心四幅直幅灑

易牕茲為壩議因辛卯行脊猶出水尺漲乃洩川平北固晏津
郡東虞潦灤氓一興利一弊要度重和輕 閱興濟牕作 丙

申暮春上泮御筆 橫幅灑金黃蠟箋本 璽二 惟精惟一

甘涼西北氣尤寒二月雪應同雨觀帶積並融盈尺透翻犁撫
耒數州寬甫經望澤欣被澤遙幸民歡切已歡即恐此心涉盈
滿為君難識信為難 陝甘總督勒爾謹奏報得雪詩以誌事

丙申暮春月上泮御筆 橫幅 灑金青蠟箋本 惟一 乾隆宸翰 璽二 惟精

捷地原為減水牐而今易壩議僉同去高拓窄豫以洩疏咽除
淤恒有工無礙漕艘來往度那忘巡蹕測量中沿隄黔首漫言
謝尚慮茅簷或困窮 閱捷地壩作 丙申暮春上泮御筆 橫幅

灑金黃蠟箋本 璽二 惟精惟一 乾隆宸翰

郵置今朝傳奏筒雨露三寸報羣工一時被澤北南異十日為

期南北同普渥春耕真是瑞未臻秋穫敢言豐洗兵利穡叨
天貺遇幸何修益勅躬 聞京師得雨誌慰 丙申暮春上泮御

筆 橫幅 灑金青蠟箋本 璽二 惟精惟一 乾隆宸翰

祝

壽獻功禮畢過流陰宛轉入清和易舟北上希膏切夾岸青看結
穗多人曰無妨未謀我麥虞有失更廛禾期逾五日柏十日對
此農民愧若何 丙申四月朔日作御筆 橫幅 鈎金素蠟箋本 璽二 所寶惟賢

乾隆御筆

麥穗芄芄色亦滋近河受潤故如斯隔隄高處必黃萎顧邇忘

遐吾不為 麥穗一首 丙申清和月御筆 橫幅鈎金粉紅蠟箋本 璽二 惟

精惟一 乾隆宸翰

彌月甘膏已覺稽晚來雲重雨淒淒通宵喜聽波聲靈詰曉纔看霽色霽何處非民非赤子即今惠我惠青齊京畿一帶復霑否驛駭騰章此佇俟 舟中夜雨一律 丙申孟夏上澣御筆

橫幅鈎金粉紅蠟箋本 璽二 所寶惟賢 乾隆御筆

八十里遙溯運川渚營到以午時前已乘巽二催漕籟更值裴家下水船足艤宿舟斯合矣却張居室謂多焉偶閒雖欲試搗藻搗藻即為心恧然 渚營一律 丙申孟夏上澣御筆 橫幅鈎金

碧蠟箋本 璽二 所寶惟賢 乾隆御筆

順風行舟豈不甚美面前來舟斯為阻矣阻者意憮美者心喜喜者感風憮者怨已巽二蓬蓬感怨付彼達此應物謂之窮理雜言一首 丙申孟夏月上澣御筆 橫幅鈎金碧蠟箋本 璽二 惟精惟一 乾

隆宸翰

開封得雨早稱優合省茲陳被澤周結穗正滋二麥潤吐苗更卜大田休原皆廿四廿五霈何獨於齊於魯收覽奏惟慙以為慰望雲旦晚冀恩流 河南巡撫徐績奏報得雨詩以誌事

丙申孟夏上澣御筆 橫幅鈎金粉紅蠟箋本 璽二 所寶惟賢 乾隆御筆

徹夜雲濃聚凌晨雨細霏聽聲時作止閱勢祇妥激徒益烟波
景那蘇渴壤希弗曾成寸澤已見放斜暉潤罕塵民望誠輕咎
已非或云宜麥熟疑信未深依 微雨六韻 丙申孟夏上澣

御筆 橫幅鈎金素蠟箋本 璽二 所寶惟賢 乾隆御筆

自我入齊境佳麥觀菁葱苗秀秀將實翠浪翻芄芄而何往返
間少雨偏多風寸澤何嗟及眼看欲失豐逮得而奪之誰不惜
以忡因思消息間理固鮮恒通通塞互轉旋此理原堪窮祝

釐告武成歲禮都從容凡事忌太順先憂那辭躬躬弗辭先憂惟

是憫良農 遣悶一首 丙申孟夏月上澣御筆 橫幅鈎金碧蠟箋本 璽

二 所寶惟賢 乾隆御筆

曉晴開御舫蓄目景全殊遠郭籠烟片近田蔚露珠麥欣烘穗

實黍看吐苗濡意謂菁葱者予心共爾蘇 曉晴一律 丙申

孟夏上澣御筆 橫幅鈎金粉紅蠟箋本 璽二 所寶惟賢 乾隆御筆

北來觀二麥雖覺畧勝南然亦需膏澤為之希雨露三月朔雨
後數寸縱頻卓較齊固少差究非優渥酣乃知弗渴待率出慰
我談秋麥實菁葱冬雪胎裏沾春麥則矮黃根弗深萎尖邇日

屢生雲雲生風妬兼芒種逮熟時迫冀嘉霽甘恐虛前所望益

增中心慙 北來一首 丙申孟夏月中澣御筆 橫幅鈎金碧蠟箋本 璽

二 所寶惟賢 乾隆御筆

去時過此雨優霑。彌月還饒半月添。望澤至今日以甚。終風播土夏滋炎。已殷麥穗待飽粒。更慮禾苗欲萎尖。夾路農民胥鞠脛。相看惟有忸怩兼。過靜海縣一律。丙申孟夏中澣御筆。

橫幅 鈎金碧蠟箋本 璽二 所寶惟賢 乾隆御筆

昨望南雲重心期。雨庶幾曉涼。知澤被輕點。惜膏稀。却報三寸逮。益慙此處非得無。飾慰我實亦所需微。山東巡撫楊景素報雨因成什。丙申孟夏中澣御筆。

筆 橫幅 鈎金碧蠟箋本 璽二 所寶惟賢 乾隆御筆

槳棹檝惟櫓力大。御舟却未見催稍。榜人慣有因人智。已逸他勞那顧嘲。右櫓。行舟四詠之一。丙申清和中澣御筆。

乾 隆 橫幅 鈎金碧蠟箋本 璽二 所寶惟賢 乾隆御筆

一舟之令全資柁。操縱東西莫不從。我亦因而悟為政。設無定見鮮功庸。右柁。行舟四詠之二。丙申清和中澣御筆。

乾 隆 橫幅 鈎金碧蠟箋本 璽二 所寶惟賢 乾隆御筆

催漕欣看五兩順。半張弗受飽風屯。黃頭雖曰慎厥事。可識其間至理存。右帆。行舟四詠之三。丙申清和中澣御筆。

乾 隆 橫幅 鈎金碧蠟箋本 璽二 所寶惟賢 乾隆御筆

河兵兩岸引龍鬚事體大資衆力扶詎止憑觀切深喻集思廣益在斯乎右緯 行舟四詠之四 丙申清和中澣御筆二 璽

乾隆 以上牕心四幅直幅灑金素蠟箋本

午雲時聚散入夜遂焚絲聽徹五更永想當二寸滋再霧方愜望恐霽益殷思曉起波烟重繼茲霈庶其 夜雨一律 丙申

清和下澣御題 橫幅鈎金粉紅蠟箋本 璽二 惟精惟一

安福御艦溯海河夾隄十里備笙歌迫因希澤方愁已一任排當嬾聽他昨日微零仍即止今晨畧蔚又旋過農民祇盼銀牌喜未識其心苦若何 天津起程迴鑿之作 丙申清和月下

澣御筆 橫幅鈎金粉紅蠟箋本 璽二 惟精惟一 乾隆宸翰

開船衝浩渺夾岸望迷離疎密時相間渥優今允施麥收庶少救禾長正深滋彌月憂惟釋登秋稔更期 復雨一律 丙申

清和下澣御筆 橫幅鈎金粉紅蠟箋本 璽二 惟精惟一

御舟小泊射陽城登岸還教策馬行翠蓋錦於徹儀衛風鞍露冕浹民情絃歌那聽八音奏婦子稍欣百室盈甲午迴思災甚劇今來額慶爾更生 過淮安城作 庚子仲春月御筆 橫幅鈎金

淺紅蠟箋本 璽二 惟精惟一 乾隆宸翰

南關迤邐接車邏封土下河受益多戊戌洪湖經異漲預防思

患早開矧權其輕重誠無奈那免閭閻被薦瘥惟冀儀封合龍
速不資壩減永嗟峨 閱壩一律 庚子仲春月御筆 橫幅鈎金黃蠟

箋本 壘二 惟精惟一 乾隆宸翰

御舫先來候水涯陸營行到水營披篷窗船室於斯始楚尾吳
頭達自茲即景拈吟熟以慣迴溪轉岸靜而移曰安曰福非蘄
已願與吾民普共之 御安福臚作 庚子仲春月御筆 橫幅鈎金

淺紅蠟箋本 壘二 惟精惟一 乾隆宸翰

未敢稱功就先期達喜音金門溜已斷竹箭落猶深腰漏誠無
礙脚停亦漸沈黃流將到浦歲事庶幾今 阿桂奏報將合龍

形勢詩以誌慰 庚子仲春月御筆 橫幅鈎金黃蠟箋本 壘二 惟精惟一 乾隆宸翰

北地春霖最艱致却聞三寸被優霑較於南國勢猶霑知是東
郊潤更添無礙興犁布禾種有欣徧隴蔚薶尖燕齊遮得佳音
報那免殷殷望蜀兼 聞京師得雨誌喜 庚子仲春上泮御
筆 橫幅鈎金粉紅蠟箋本 壘二 惟精惟一 乾隆宸翰

傍岸艤蘭舸度衢攬玉韁民情益親切土俗驗周詳舊號平安
漢新稱寶應唐若論予夙志惟是祝綏穰 過寶應縣一律

庚子仲春中泮御筆 橫幅鈎金黃蠟箋本 壘二 惟精惟一 乾隆宸翰

南方東南風。即雨亦必晴。其或西北風。即晴定雨。零北方乃反。是此故。試一評。南南北北間。氣求聲。或應風為氣之屬。風近雨。遠征風。遠雨自近。至理無須驚。格物得真解。神運體天行。東南風一首。庚子仲春中泮御筆。橫幅。鈞金黃蠟箋本。壘二。惟精惟一。乾隆宸翰。黑烏乃白項。時於湖岸看。伊犁亦云有。聞之語非謾。南北相去萬餘里。而合物類。似合券。其間北地如塞上。於燕齊同。誰曾見。物物格之實難通。紫陽於此其奚辯。燕丹仰天竟有之。莫怪馬遷好奇幻。聞見一首。庚子仲春中泮御筆。橫幅。鈞金黃蠟箋本。壘二。惟精惟一。乾隆宸翰。

惟精惟一 乾隆宸翰

高郵昔水鄉。五壩減水受。自定清口誌。封土五壩守。下河連歲收。蓋藏比戶有。戊戌黃河決。水向洪澤走。尾大恐弗掉。預減咨可否。因為之以漸。未大災田畝。己亥亦如斯。倖矣邀天偶。茲來觀閭閻。頗覺相安阜。然而憂民心。益甚以日久。過高

郵州作 庚子仲春中泮御筆。橫幅。鈞金黃蠟箋本。壘二。惟精惟一。乾隆宸翰。

清曉正慮河。恐復有更變。卓午接奏章。徐州黃水見。川流六尺餘。歸故道。機現阿桂何未報。疑信猶參半。佇待合龍信。吾憂或少間。新調河東總河李奉翰奏報黃流已至徐州詩以誌慰。

庚子仲春中泮御筆。橫幅。鈞金黃蠟箋本。壘二。惟精惟一。乾隆宸翰。

京師得雨念齊燕豫近因之報到先同是仲春初四五均霑二
 麥益芊眠無妨郊外穀種佈自合街頭糧價平更喜儀封合龍
 近為民額手慶忻然 河南巡撫榮柱奏報得雨詩以誌慰
 庚子仲春中泚御筆 橫幅鈎金黃蠟箋本 乾隆宸翰 璽二 惟精惟一
 順風下水舟行速廿里如同十里行却聞海上順風舟片刻能
 兼百里程吾謂斯速亦足矣何須詡彼洪濤驚大凡物理忌太
 盛

天道福謙而禍盈

順風一首

甲辰仲春御筆

橫幅鈎金黃蠟箋本 璽二

古稀天子之寶

猶日孜孜

緩御輕輿駐水營明當安福啟行程吳江浙海胥塵意問俗觀
 風敢懈情榮戟扼津慎守禦閭閻撲地計寧盈陶莊改後黃逾

遠此日清江果是清

清江浦作

甲辰仲春御筆

橫幅鈎金黃蠟箋本

璽二

古稀天子之寶

猶日孜孜

陸路行來莅水程清江安福候川營宵衣旰食仍斯勗蘇阜浙
 湖不盡情夏諺豫遊要為度義經民我共觀生古稀欲去陳言
 處每自舲牕瞥眼呈 御安福艦 甲辰仲春御筆 橫幅鈎金黃蠟箋本

璽二

古稀天子之寶

猶日孜孜

清浦開舟行不遠郡城埤堦見淮安輕輿露冕任瞻覲膝下無

殊赤子歡 過淮安城一首 甲辰仲春御筆

橫幅 鈎金黃蠟 箋本 璽二

古稀天子之寶 猶日孜孜

上元獲寶縣名改其實已難定假真便使果真為瑞應牝雞可得救司晨 過寶應縣詠事一首 甲辰仲春御筆

橫幅 鈎金黃蠟 箋本

璽二 古稀天子之寶 猶日孜孜

古邑巖城稱覆盂覆盂之義可思乎以云射物堪嗤彼若擬安邦實切吾老幼喜看圍蹕路香燈何必滿通衢四隅近水真澤國百室求寧慎永圖 過高郵州 甲辰仲春下澣御筆

橫幅 鈎金

黃蠟 箋本 璽二 古稀天子之寶 猶日孜孜

南關及車邏計洩洪湖漲清口定誌後封土恒一樣惟值戊戌潦無已為一放然先屢頒諭閭閻道漂蕩早田幸復收賑借並行貺豈能免向隅迴思切惆悵 閱南關車邏壩 甲辰仲春

下澣御筆 橫幅 鈎金黃蠟 箋本 璽二 古稀天子之寶 猶日孜孜

月之廿一及廿二屢見春陰復屢霽北望雲容更較重意殷澤霈望雨地此間雨弗雨皆可齊豫京畿所希冀今朝乃接劉峩奏即廿一二雨雪霈雖未深透潤三寸自於春耕資益利齊豫二省却未奏為之 切廛意四海一家萬民子何處弗願綏豐暨願多因之愁亦多尋思故應愁豈避 直隸總督劉峩奏

報得雨詩以誌事

甲辰仲春下澣御筆

橫幅鈎金黃蠟箋本 重二 古稀天子

之寶 猶日孜孜

上已無須修禊為惠風河路畫圖披蒸看過午一川暖釀作濃
雲四野垂入夜連纖欹枕聽間時作止打舲遲江鄉雨弗雨胥
可北省遙祈渥澤滋 夜雨一首 甲辰暮春之初御筆

直幅鈎金

黃蠟箋本 重二 古稀天子之寶 猶日孜孜

庚子駐此心不怡嫌其侈費意躑躅茲來實為仍舊貫花則花
而木則木駐營咨政有餘暇偶涉趣成歸舫宿侈費者本意營
私後亦廉知刑以督然而用彼誰之過至今自咎猶怩恧 甲

辰季春駐浙江水營疊庚子詩韻御筆

直幅鈎金黃蠟箋本 重二 古稀天子之寶

猶日孜孜

夜雨打船牕恰值清夢醒入耳適宜聽披衾不覺冷即南已增
潤憶北牽懷永須臾聲漸稀無眠亦耿耿 夜雨一首 甲辰

季春月中澣御筆

直幅鈎金黃蠟箋本 重二 古稀天子之寶 猶日孜孜

夜雨曉漸止午雲復霈零急飄迷緯岸密點打篷舲梅片連飛
白麥苗滋蔚青迎鑿憐萬姓冒濕走無停 雨一首 甲辰季

春中澣御筆

直幅鈎金黃蠟箋本 重二 古稀天子之寶 猶日孜孜

入疆民隱切諏咨積欠概將寬免之並未逢災謝

天佑更常完賦慶農時所當嘉也其風善寧可靳哉我惠施十以

免三正供逋幸茲同樂世雍熙降旨寬免浙江杭嘉湖三府

正供十分之三詩以誌事 甲辰季春月中澣御筆 直幅鈎金黃蠟箋本

璽二 古稀天子之寶 猶日孜孜

水村處處重農桑樵李誰知古戰場越躡吳顛胥往事遠帆烟

雨望茫茫 樵李城 茶禪數典自三過長老烹茶事咏哦文士豪吟

殊不少羶香何獨萃東坡 三過堂 太守因之寓郡城金陀坊裏尚

存名五經萃室珍遺帙疑此宅中銀板行 岳珂故宅 樵李文人數子

京閣收遺蹟欲充楹雲烟散似飄天籟明史憐他獨掛名 天籟閣

嘉興道中詠古四首

甲辰季春御筆

橫幅鈎金素蠟箋本 璽二 古稀天子

之寶 猶日孜孜

海塘躬閱此來巡迎送河邊兩省臣疆有其分臨益切民無不

愛見尤親春雲尚覺籠午日宿雨已看清路塵麥欲滋膏蠶欲

霽兩全艱矣豈能均 入浙江境作 甲辰季春中澣御筆 直幅

鈎金黃蠟箋本 璽二 古稀天子之寶 猶日孜孜

廿三四五雨霑渥江浙連疆澤被均雖覺遜南濕誠接惟因憶

北望仍頻登盤餅餌麥期稔浸隴秧苗稻利新夏長秋收時尚

遠言當戒滿意猶諄 江南總督薩載續報得雨詩以誌慰

甲辰季春月之下泮御筆

璽二 古稀天子之寶 猶日孜

江國晴後熱語傳農諺詳亦如此地秋一雨一番涼霽場蒸水

氣非炎暖異常季春似仲夏欲換袷衣裳麥苗乍吐穗菜花鋪

地黃潤薰桑葉肥蠶事率已忙對時協民工不覺川路長熱

一首 甲辰季春月下泮御筆

璽二 古稀天子之寶 猶日孜

夜雨隔牕聞打蓬亂點紛優於澤何礙知是熱之薰行漏聽長

短潤郊計寸分因希北省遍遠繾近斯欣夜雨一律 甲辰

季春月下泮御筆

璽二 古稀天子之寶 猶日孜

七日西湖暢豫情平明啟蹕度杭城大凡勝處祛留戀乃可道

心契一精冬麥抽苗含宿雨春桑發葉烘新晴亟應歸矣俾民

暇莫悞斯邦蠶與耕 杭州啟蹕迴鑾之作 甲辰季春月下

泮御筆

璽二 古稀天子之寶 猶日孜 以上牕心四

舟過無錫弗艤岸去時策馬已觀民茲來露冕坐閣閣夾岸跪

覲無萬人因思皆資衣食者自當物貴生計貧幸遇有收尚可

活水旱那無飢溺頻以是祈歲廛宵旰大吏並飭諱災諄展義

時邁政因此我豈山水徒遊巡 舟過無錫城作 甲辰閏三

月之朔日御筆

橫幅鈎金素蠟箋本 璽二 古稀天子之寶 猶日孜

久繾山東雨澤稀郵章披畧慰宵衣淄川七寸寶深透歷下卅

分惜欠微通省雖霑未普渥七言為詠尚殷希未知畿輔延及
否佳信佇從驛遞飛 山東巡撫明興奏報得雨詩以誌慰

甲辰春閏上澣御筆

橫幅鈎金碧蠟箋本

璽二

古稀天子

順風揚布帆一刻可數里設其遇逆風一里數刻矣

解一 大帆得

風多小帆得風少事半有倍功資益理可曉

解二 小船遲先行大

船速後至蓋屋欲避難泰山壓卵勢

解三 行途欲速到先發亦人

情橋洞阻劫選反遲半日行

解四 欲速則不達先難而後易觸目

可會心足以悟萬事

解五 順風得解五首

甲辰閏三月上澣

御筆

直幅鈎金黃蠟箋本

璽二

古稀天子之寶

猶日孜

句容道屢經新港初見爾壬寅方始事癸卯成功駛沙溪拓以

寬泥泉濬而泚別引江漲塗潮汐波增瀾和雇民受利亦非徭

役起安福御以行鏡中風物美大吏乞港名便民賜名是鎮江

至江寧陸路弗通水南方便於舟艱車及步履考士並賈客自

此舟行矣若云勤蹕途吾殊不為此 便民港紀事作 甲辰

閏春月上澣御筆

直幅鈎金黃蠟箋本

璽二

古稀天子之

仲春得雨滋二寸春閏茲稱深透露迤北向南麥將穗高原下

隰黍抽尖較之齊豫澤尤渥覘以黔黎氣倍恬屢接邇來佳信

報慰祈年望敬增添 山西巡撫農起奏報得雨詩以誌慰

甲辰春閏中澣御筆 橫幅 鈎金素蠟箋本 璽二 古稀天子

三月中曾普被澤閏春復報雨露靈定知麥穗資飽滿更喜禾

苗勃綠青災後延接憐鵠面接欣糜豆救鳩形漫稱轉歉為豐

幸西望吾民意未寧 陝西巡撫畢沅續報得雨詩以誌事

甲辰閏春中澣御筆 橫幅 鈎金素蠟箋本 璽二 古稀天子

丑年黃北決洪澤復流微五壩年連固下河秋獲肥未能胥績

底益用慎民依救弊補偏耳孜孜救萬幾 過車邏壩作 甲

辰閏春中澣御筆 橫幅 鈎金素蠟箋本 璽二 古稀天子

盛京風氣涼三月方舉趾近下澣得雨尚不為遲爾其日晉亦

然數寸各屬被自西而至東迤邐二千里無不渥澤霑其零信

靈矣乃吾於天竺致禱之期是浙省祈必應斯語熟聞耳近遠

乃不較感應迅如此時膏利農耕不可無詩紀 盛京將軍永

璋奏報得雨詩以誌事 甲辰春閏月下澣御筆 橫幅 鈎金素

蠟箋本 璽

二 古稀天子之寶 猶日孜孜

春仲此度鑿潤野較齊好以近清桃界雨雪已霑早夏初斯旋

蹕未能副望飽南膏弗及茲北澤又離香舟行乃水路揚塵猶

浩浩陸地自旱乾綠苗行將槁切切為望雨中心怒如擣一隅

有民人刻豈忘懷保 過宿遷縣 甲辰春閏下澣御筆 橫幅 鈎金

黃蠟箋本 璽二 古稀天子之寶 猶日孜孜

河西二三月雪澤已滋融更喜三月雨數寸霑河東閏春之上
旬省城澍雨濛東候暖於西麥苗綠已茂大田均可種糧價平
而中甘省本瘠區近每春澤逢或因去貪吏旋轉叨

悒悒慶蘇溝壑民益惕宵旰衷 陝甘總督李侍堯奏報甘省雨

雪情形詩以誌慰 甲辰春閏月下澣御筆 橫幅 鈎金黃蠟箋本 璽二 古稀

天子之寶 猶日孜孜

我過沛縣境不見沛縣城移城向西北高處謀久恒實因壬寅
潦追憶心猶怍河決青龍岡一片水鋪平埤堦為之湮老幼為

之驚嗟嗟我赤子忍弗謀其生蠲租豈待言賑饑繹遙情那論
極次貧踰年周濟增即今河雖復涸地已可耕慮其乏顆粒借
種資經營舊城地本窪移建就高坪老幼來謝恩幸少鳩鵲形
痛定思事前憐之慙愧并 過沛縣之作 甲辰清和月御筆

橫幅 鈎金黃蠟箋本 璽二 古稀天子之寶 猶日孜孜

邇日頗覺涼作陰而弗雨望雲北尤重齊豫連京輔或胥沐恩
膏報章却未覩我自渡河來川路風颺土覺旱為希霖宵旰心
常憮迤南冀農登迤北產民苦祇可半收麥謾云遍種黍秀實
時尚遠十日期空數 涼一首 甲辰孟夏上澣御筆 橫幅 鈎金素蠟

自從辛丑河北決。踊愁為害無底止。三湖雖未受沙淤。澄刺清流盡歸爾。微山湖更居下游。與運連成一片矣。兩岸緯道及牖壩。多半弗見。見惟水。以此亟求疏洩法。不遺餘力。不惜費。徵倖。昨年河復故。微湖下流去如駛。舊志蓄水丈二尺。後存丈三多。無幾。因之陸續兩岸露。牖壩次第工興起。本殊民修及官修。亦是從來例如此。災餘民力那能茲。一概發帑官修耳。茲來緯道原如故。安福中行平如砥。却憶丁丑決。孫集積水兩年始消。彼斯乃積多消反速。事在人為本至理。運河一首。甲辰清和。

上澣御筆

橫幅 鈎金黃蠟箋本 日孜孜

壘二

古稀天子之寶

猶

江寧旋蹕時。北省胥報雨。山陝為尤渥。其餘種亦普。惟衛輝大名澤。偏靳二府麥。固已失收。僅得耩禾黍。及渡河而北。晴久風掘土。齊境過將畢。所歷千里許。一例為望霖。雲興風輒阻。可憐新茁苗。欲萎待膏苦。直省及京畿。亦未報嘉霽。綵彼借種民。恫瘼念厥楚。即事一首。甲辰清和中澣御筆。

橫幅 鈎金素蠟箋本 壘二

古稀天子之寶

猶日孜孜

山左昨年幸稔收。三冬雪澤亦稱優。首春積玉繼以遍。仲月如膏被更周。寸計二三四。霑隴田。祈禾黍。麥盈篝。披章豈不為之。

慰雲作風隨近却愁 山東巡撫長麟奏報得雨詩以誌慰

戊申仲春月御筆 橫幅 鈎金 淺紅 蠟箋本 猶日孜孜 二 古稀天子

水路今朝發駕初 艫名安福即吾廬 愛民一念福之本 克己兩

言安以居 歷歲題辭間裏閱 前途得句便仍書 分明江浙行舟

况親切輿情那忘諸 登安福艫作 戊申仲春月御筆 橫幅 鈎金

淺紅蠟箋本 二 古稀天子之寶 猶日孜孜

水路資風帆 陸路藉簟牽 此理固不易 行船人共便 每亦渡江

湖水絳曾未見 淀池乃用之 亦久成習慣 名之曰龍鬚 小舟引

以先 大舟坐省力 小舟勞弗憚 是謂圖己逸 那顧他苦怨 尚有

流俗人觀之 為欣羨 殊異君子道 以己度人願 五字申諷喻 絜

矩萬幾勸 水絳一首 戊申仲春月下澣御筆 橫幅 鈎金 素蠟箋本 二

古稀天子之寶 猶日孜孜

石橋接通衢 中孔平設板 徹板行大舟 偶爾非恒典 弗似江南

路 石洞垂虹宛 舟從洞底過 無勞板徹卷 南北風俗殊 民情順

用善 廣惠久垂名 循名實可簡 賜賦與蠲租 次第絲綸展 過

廣惠橋作 戊申仲春下澣御筆 橫幅 鈎金 淺紅 蠟箋本 二 猶日

孜孜

截漕南糧建北倉 軍民胥被

聖恩長撥船更許新排造有利於人不厭詳 北倉一首 戊申

季春上澣御筆 橫幅鈎金黃蠟箋本 壘二 猶日孜孜 古稀天子之寶

奢望古稀望竟酬

岱宗

闕里禮躬修康彊八十四

天貺安福今朝發御舟戒滿鞏謙勉恒志吳江浙海憶從頭幸哉

到處民親愛博施非難肯靳留 登安福艦之作 庚戌季春

月御筆 橫幅鈎金黃蠟箋本 壘二 八徵耄念之寶 自彊不息

信宿德州駐登舟昔例同望霖事有似觀麥惜無窮五日期仍

迫連朝心益忡催漕雖利用願且息微風 登舟一律 庚戌

季春月下澣御筆 橫幅鈎金素蠟箋本 壘二 八徵耄念之寶 自彊不息

舟中半月有餘過陣雨雖逢未霈沲都道北猶南地勝可堪今

似昔年何敢因經久視為慣祇覺當前愁轉多舊集閒翻圖解

悶怕觀霑在蹕旋哦 舟中一律 庚戌清和月御筆 橫幅鈎金米色

蠟箋本 壘二 八徵耄念之寶 自彊不息

龍艦閒置幾經年巡淀今茲重御筵安擬寰區奚啻此福期奕

葉永循前民為邦本恒殷若水載舟行近寓焉暗室明窗都舊

識是吾得句每斯便 登安福艦作 甲寅季春月御筆 橫幅鈎金

米色蠟箋本

璽二

八徵耄念之寶

自彊不息

御筆寫生盆梅

璽五 古希天子 八徵耄念之寶 用筆在心 筆端造化

研露

河北盆梅含蓓蕾河南盆梅三兩開地氣纔方一水隔遲速頓殊如是哉似為鄧尉報佳信恰與安福為清陪入牕風度香細細寒簾月映色皚皚是色是香都契妙小許大許誰評材何當寄語昌昌者轉欲芳華款款來渡河後盆梅始開作詩紀事復成此小幘以識船牕清興壬午仲春御筆

直幅 宣紙本 璽二 幾暇怡情 乾隆宸翰

御筆寫生玉蘭桃花

璽四 古希天子 八徵耄念之寶 研露 煙雲舒卷

八徵耄念之寶

宿雨未收曉烟輕泮江國春芳有如此者聊為設色傳神亦不計其工拙否也壬午暮春蘭陵舟次寫

璽一

乾隆宸翰

三朶玉蘭十朶桃蘭陵舟次昔揮毫流陰廿八歲過隙饒汝舟中香色牢庚戌季春御題

直幅 宣紙本 自彊不息

璽二

八徵耄念

海河樓墨寶

香林院畔海河樓駐舫憑欄一暢眸慮有夏秋容納苦幸無塘堰築防憂駢闐岸傍扶攜侶來往波中歌舞舟雖獻民歡供

懿賞怡然意共憫然投

丙申仲春下泮御題

橫幅 鈎金淺紅蠟箋本 璽二 乾

隆宸翰 陶冶性靈 懸海河樓

崇禧觀

清河入海河泊岸俯洪波琳宇開香院蕭臺轟鬱羅都緣顓安
宴豈是豫卷阿路便申瞻禮祈民福佑多香林院瞻禮作

丙申仲春月下泮御筆刻石 璽二 所寶惟賢 乾隆御筆

崇禧古觀枕津河一紀春秋此重去聲過愜意蒙

庶錫海晏

月初據福康安奏已將逆首林爽文生擒檻繫來京固已仰荷天麻尚冀南路并將莊大田亦即掣獲以靖海疆而安黎庶耳肅躬瞻禮顓時和藐予深感

恩駢疊

上帝高居示鬱羅萬物有心

天普鑒

天在人人心中隨方示象因難議祠宇之各處多有也

難拘禮議時祠多 乾隆

戊申仲春月下泮瞻禮作御筆

刻石 璽二 猶日孜孜

古稀天子之寶

旋蹕至天津

崇禧展謁申東巡蒙

昊既時雨望心寅無德慚調燮有愁塵隰昀弗聽寬解語祇覺忸

怩身日五期誠迫寸膚靳實頻責躬虔九叩尺澤救農民 崇

禧觀展謁六韻

庚戌清和上泮御筆

刻石 璽二 八徵耄念之寶 自彊不息

崇禧真是荷

崇禧恰憶戊申瞻禮時一逆已聞解京信次兇尚顓就停馳

天庥頻疊何修遇。心感肝宵勵悚寅。莫不照臨莫不佑。敢同橫議
謂多祠。甲寅季春月。瞻禮成什。御筆。刻石。壘二。八徵耄
念之寶。自彊不息。

望海寺

南運河邊望海寺。海其遙矣海河然。觀音是佛觀察智。普遍三
千與大千。李賀詩人具卓見。杯中海水瀉猶然。堂中大士如
如望。道理那更計百千。題望海寺一韻二首。丁亥暮春上

澣御筆。刻石。壘二。

所寶惟賢。

乾隆御筆。

波羅梵字碧溪潄。恍是普陀紫竹林。即色不殊即空體。海河當
送海潮音。到來門徑宛相識。悟去慈悲沒處尋。未得無心心合

衆延

禧祝嘏一真心

望海寺作

庚寅暮春中澣御筆

刻石。壘二。
所寶惟賢。

乾隆御筆。

寺建海河濱。初來自丁亥。去歲再臨茲。轉眼復一載。海去此尚
遙。溯河得望海。大士泯分別。如是觀自在。斯行為巡齊。匪為津
風採。便道成小憩。遂命維舟解。柳野若有篔。分付迴鑿待。辛
卯仲春月上澣。至望海寺作。御筆。刻石。壘二。
所寶惟賢。

望海祇園臨海河。隔年此復一相過。雖然緝節繁文禁。仍有衢
歌巷舞羅。祇以祝

釐合眾志遂因同悃禮三摩普門無量慈悲願願作壽添

曼壽多 癸巳暮春月既望御筆刻石 壘二 所寶惟賢 乾

臨河側畔建蘭若望海因之遂得名大士如如不動念眾生箇

箇仰慈情聊緣路便駐舟憩更趨途長解纜行柳墅去茲十餘

里置之停蹕待迴程 望海寺作 丙申仲春下泮御筆刻石 壘

二 乾隆

十載重言至心空禮法王光陰誠速速相好自堂堂清晏南和

北紛趨民與商迴思祝

釐况望海祇茫茫 戊申仲春瞻禮成什御筆刻石 壘二 稀天子之寶 猶古

日孜孜

津府近臨海寺因望海稱眾誠一念合永晏萬年徵攄敬春秋

閱祈安瞻禮仍蒙

恩真疊疊撫己益兢兢 望海寺作 甲寅季春月御筆刻木 壘

二 八徵耄念之寶 自彊不息

海光寺

像設花宮坐大慈普陀彼此孰然疑可知海印發光處正是如

來按指時 題海光寺一首 乾隆丁亥暮春御筆刻石 壘 惟精

惟一 乾隆宸翰

重鎮海疆守今來况始過因之觀素習可說不揚波結隊明組
練伸行列鶴鷺巡方應詰武行賞意猶多閱武作乾隆丁
亥暮春上澣御筆刻石 璽二 所寶惟賢 乾隆宸翰
大士坐堂堂蓮宮向海光可知効清晏總為利耕桑肫意禮相
好

洪禧祝

壽康前年與今歲一瞬祇如常海光寺作庚寅暮春御筆刻木

璽二 所寶惟賢 乾隆御筆

巡方之所重詰武及修文昨已試諸士今應閱衆軍熊羆分列

隊鷺雁聚成羣原可百年偃休疎一日勤酬勞畧行賞合度亦
堪欣敢曰瀛氛靖戒安意正殷閱武一首戊申仲春下澣
御筆刻石 璽二 古稀天子之寶 猶日孜孜

清蹕禮蓮宮東瀛吐旭紅萬民恣瞻仰一意祝和豐我自勤宵
旰那能悟色空如來按指處歷劫海光同海光寺作戊申
季春御筆刻木 璽二 古稀天子之寶 猶日孜孜

浴佛日應禮祇園海光梵寺城南有出城騁望白茫茫一線長
隄水中走亦因去歲秋潦積不異今春趙北口嗟哉吾民被昏
墊賑加一再苦仍受為籌減壩豫洩漲復恐潮灌傷田畝是則

扞格進退艱治河善策誠棘手佛固無心我有心和南為籲甘

膏宥低地弗雨庶速涸高地即雨旱方救左之右之措意難方

寸頃刻思紛糾萬民瞻叩萬乘尊萬乘尊難亦知否海光寺

瞻禮庚戌清和月上泚御筆刻本 璽二八徵耄念之寶

海河四十里而長瀛渤遙光隔渺茫悟得如來按指處庶幾了

見海之光海光寺作乾隆甲寅季春月下泚御筆刻石 璽二

八徵耄念之寶 自彊不息

恬佑祠

前度鳴鞭過綺闈由城經此覲從民長街小雨惜乎弱

靈廟甘膏籲以親入夏恒風渴已亟代

天敷澤望猶諄密雲願即霈嘉霽虔叩惟杼一念真策馬由府

城至海神廟拈香用近作過天津府城詩韻丙申孟夏月

中泚御筆刻石 璽二惟精惟一乾隆宸翰

八旬策馬過城闈露冕因教悅萬民幼挈老扶依舊衆叩瞻躍

喜較先親所慚仍是昔年况致請殷希

神佑諄虔謁自慚誠不至腆稱曷

惠鑒誠真策馬由天津府城至海神廟拈香疊丙申詩韻

庚戌清和御筆刻石 璽二八徵耄念之寶 自彊不息

海神廟

在大沽口

崇構海河濱。初來拜謁伸。配

天常。亘地濟物即為

神。紫解安瀾慶。青蓮示法真。

兩朝碑仰讀

意總為斯民。

海神廟瞻禮述事

乾隆丁亥暮春上澣御筆

刻碑

陰

壘二

乾隆宸翰

陶冶性靈

觀海臺

在豐財場

蕩蕩津門瀉大沽。滄溟東望尚遙紆。清流渾派歸淵極。坤括乾

苞充德符。豈似餘杭沙漲藉。况經自古海氛無。留都來往糧艘

運總濟吾民闢坦途。

觀海臺觀海作

乾隆丁亥暮春月上

澣御筆

刻石

鹽灘碑

在豐財場

巡方到處塵黎黔。瀛裔民風策馬覘。力穡仍艱登稷黍。資生惟
是藉魚鹽。蘆田概與均蠲負。沙戶因之期引恬。斥鹵安能變膏
壤。漢時早說海波漸。瀛裔一律。乾隆丁亥暮春月御筆

刻石

壘二

惟精惟一

乾隆宸翰

Blank space for text within a large rectangular frame.

高宗純皇帝恩賞墨刻

長蘆商人恭逢
歷次巡幸天津

萬壽慶典千叟宴並
恩賞敬錄

止戈成績

璽一

八徵耄念之寶

十全記

昨準廓爾喀歸降命凱旋班師詩有十全大武揚之句蓋引而未發茲特敘而記之

夫記者志也虞書朕志先定乃在心周禮春官掌邦國之志乃在事旅葵志以道寧則兼心與事而言之然總不出夫道得其道乃能合於

天以冀承乎

貺則予之十全武功庶幾有契於斯而可志以記之乎十功者平

準噶爾為二定回部為一掃金川為二靖臺灣為一降緬甸安

南各一即今二次受廓爾喀降合為十其內地之三叛么膺弗

肩數也平準噶爾者二乙亥年以達瓦齊篡奪諸部瓦解朕因

其部落接踵內屬乘機致討以成前志未半載遂

俘達瓦齊不意阿睦爾撒納潛逃欲占伊犁於是復命進剿逆

賊竄入俄羅斯以患痘身斃俄羅斯傳送其屍伊犁遂平定回

部者一當大兵西伐時逆回小和卓木背恩反覆因命兆惠等

統兵追剿傳檄拔達克山縛獻於是其弟兄大小和卓木一擒

一斃掃金川者二先是金川逆首構釁鄰番戊辰歲命傅恒

厚集諸路官兵將擣其中堅而逆首稽首請降至壬辰兩金川

聯結作亂命阿桂統師進剿至丙申遂平其全境靖臺灣者一

丁未逆民林爽文莊大田創立天地會名目煽誘匪徒謀為不

軌命福康安海蘭察等統兵過海將二逆悉行擒獲就誅降緬

甸者一因緬匪侵擾邊境命傅恒為經畧前往屢破賊壘而彼

即詣營請降因而罷師至戊申其國長孟頽奉表入貢乞恕前

罪遂允其請降安南者一初黎維祁為阮光平所侵命孫士毅

統兵為之克復黎城復封黎維祁為王乃阮光平再至而黎維

祁即棄國奔內地更命福康安前往勦除而阮光平備陳情事

再四籲懇乞降並請於庚戌年親來瞻覲祝釐朕既先有

天厭黎民之語而安南又無人可付亦即允其歸降凡此八次

用兵皆非得已而俱荷天佑成功今並此廓爾喀兩次降

順蓋已十歲大功我武既揚實屬厚幸至於誅王倫翦蘇四十

三滅田五三事則係內地亂民旋即前已酉廓爾喀之降蓋因

討平弗鄉其事茲故不列於武功云

彼擾藏邊界發偏師以問罪而所遣鄂輝等未宣我武巴忠乃

遷就完事致彼弗懼而去歲復來以致大掠後藏飽欲而歸使

長此以往彼將占藏地嚇眾番全蜀無寧歲矣

戊申歲廓爾喀

滋事之始命鄂

輝成德統率勁旅往勦彼時因巴忠素曉唐古特語令往會同

籌辦詭意巴忠諸事擅專竟與噶布倫丹津班珠爾等私同沙

瑪爾巴定議每歲令藏中許給廓爾喀元寶三百箇退還侵地
 並立大小合同二紙鄂輝成德為其所愚隨同附和未曾示以
 兵威是以廓爾喀去歲復敢侵擾既將丹津班珠爾等裹去為
 質並搶掠札什倫布廟財物披猖已極不得不命將興師聲罪
 致討且廓爾喀年來侵佔附近部落兼并巴勒布三部與後藏
 之聶拉木濟龍宗喀等處毗連不大加懲創必至搶佔前後藏
 地蜀中打箭爐一
是以罪庸臣選名將勵眾軍籌儲餉去秋於
 場中聞廓爾喀復來侵擾之信朕謂不過與唐古特因錢債起
 釁初未有發兵之意而已忠一聞此事旋即自戕始疑此事必
 有弊端諭令鄂輝查奏始知有許銀贖地之事駐藏大臣倅習
 渾當廓爾喀搶掠之時既不帶兵勦殺又欲將班禪額爾德尼
 及達賴喇嘛移駐泰寧等處幸而達賴喇嘛未從其言是竟欲
 委棄藏地本應即行正法念其父那木札爾曾經陣亡從寬令
 於藏地枷責雅滿泰同繫駐藏大臣倅習渾之奏竟與聯銜因
 令一併枷責以示嚴懲旋念事關重大福康安謀勇素著足堪
 倚任因命同海蘭察等率領巴圖魯侍衛章京及索倫屯練兵
 丁前往大張撻伐福康安自擦木進兵之後連次克捷隨時褒

賞軍糧軍械尤為緊要去冬即命孫士毅馳往籌辦今春更命
 和琳馳抵藏中辦理其濟龍以外命惠齡往來專司趨運數月
 以來宵旰籌謀實未嘗一刻置懷也
福康安等深感朕恩弗辭勞苦於去歲冬月
即率索倫四川降番等精兵次第由西寧冒雪而進今歲五月

遂臨賊境收復藏邊攻克賊疆履線險如平地渡溜要若蹄涔
繞上襲下埋根批吭手足胼胝有所弗恤七戰七勝賊人喪膽

福康安等到藏於今歲閏四月廿七日自第哩浪古帶兵起程
 五月初六日至擦木地方即乘陰雨連夜發兵分隊進討海蘭
 察等由正路直攻賊寨福康安督率官兵攻克碉座賊人即已
 驚怖初八日行抵瑪噶爾轄爾甲地方峭壁深林內藏賊匪三
 百餘名官兵擊殺數十名福康安又派兵埋伏半山故留一路
 誘賊上山及山半帶兵橫衝賊眾奔竄直追至邦杏地方沿途
 勦殺無算初九日直抵濟龍官寨分遣兵丁攻撲使賊人處處
 受敵不能相顧初十日丑刻同時並進搶上東南山梁攻得喇

嘛寺屯聚賊匪。又將石砌碉座立時焚燬。官兵等冒雨攻圍。殲
戮賊眾殆盡。亥刻遂攻破官寨。藏地全復。十五日。至熱索橋。過
此。即屬賊境。福康安等一面遣兵。由上游殺綠山下。紮筏徑渡。
直撲賊卡。而正路官兵乘勝搭橋。一時並濟。將士無不人人奮
勇。痛加勦殺。十七日。復行前進。深入賊境。一百六十七里。地名
協布魯。該處當路有橫河一道。水深溜急。而橋座賊已拆毀。福
康安等於二十三日。帶兵繞至橫河上游。借接枯樹搭橋。賊兵
鎗聲不絕。因於日暮大雨時。佯令各兵撤退。至夜半。賊匪回寨。
趕緊接縛大木。過河分為三路。於二十四日。黎明。併力壓下。盡
行焚燬。賊寨痛殲賊眾。二十四日。攻克協布魯。後自噶多正路。
至足木古拉巴載山梁山下。有橫河一道。對面大山。即繫東覺
福康安與海蘭察分為兩路。福康安探得上游。噶多普山上樹
木茂密。可以藏身。因繞行於六月初六日。下至山麓。鳧水渡河。
官兵奮勇勦殺。將近河碛卡木城。盡行奪據。而海蘭察亦連日
潛伏。冒雨步行。初六日。黎明。徑登博爾東拉山巔。繞至賊卡之
上。將木城石卡全行拆毀。旋與福康安會合一處。併力追勦。於
初九日。至雍鴉地方。因官兵等冒險登涉。辛勤已甚。暫令休息。
而賊首遣人乞降。經福康安嚴行駁飭。惟是該處大山層疊。而

堆補木與甲爾古拉兩山之間。又有橫河一道。福康安等將官
兵分為數隊。左一路。由橫河上游繞道進攻。右一路。由帕朗古
攻橋進撲。甲爾古拉賊匪排鎗連環不斷。我兵乘勢競進。奪據
橋座。勦殺更倍於前。計自擦木邦杏濟龍熱索橋協布魯東覺
帕朗古前後凡七戰。皆獲全勝。共殺賊目二十餘名。賊匪三四
千名。生擒二百餘名。雖山徑險仄。河溜湍急。福康安等鼓勇直
前。如履平地。如渡蹄涔。賊勢甚為窮蹙。前已屢遣頭人詣
營納款。至此。次益加震驚。哀懇乞降。無不惟命是從矣。及兵
臨陽布賊。遂屢遣頭人匍匐乞降。將軍所檄事件無不謹從而

獨不敢身詣軍營。蓋彼去歲曾誘藏之噶布倫丹津班珠爾等

前去。故不敢出也。賊人經官兵屢戰屢勝之後。其力實不能支。

無不一一遵奉。先將裏去之噶布倫丹津班珠爾等送出。繼又
將上冬搶去札什倫布廟之金銀器皿悉數繳還。並沙瑪爾巴
骨殖。及前私立合同二張。亦俱呈出。不敢再提。唐古特錢債一
事。且言從前為沙瑪爾巴所唆。實已悔之無及。惟乞大皇帝憐

憫全部生靈網開一面其畏懼情形似屬真誠其賊首拉特納
 巴都爾與其叔巴都爾薩野不敢親自來營自謂從前誘裏噶
 布倫等一事罪惡已極懼干擒戮故不敢出此亦真情無怪其然也
 我武既揚必期掃穴犁庭不遺一介亦非體

上天好生之意即使盡得其地而西藏邊外又數千里之遙所謂
 不可耕而守者亦將付之他人乃降旨允降班師以歲斯事昔
 唐太宗策頡利曰示之必克其和乃固廓爾喀非頡利之比番
 邊殊長安之近彼且乞命籲恩準之不暇又安敢言和乎然今
 日之宣兵威使賊固意求降歸順實與唐太宗之論有所符合
 昔予記土爾扈特之事於歸降歸順已悉言之若今廓爾喀之

謝罪乞命歸降歸順蓋並有焉以其悔過誠而獻地切也

向著土爾

扈特歸順記云始逆命而終徠服謂之歸降弗如征而自臣屬謂之歸順言土爾扈特之投誠乃歸順非歸降也若今之廓爾喀畏威悔罪雖屬歸降然其悔罪之意極為真摯並請定期五年一貢永遵約束又將邊外札木地方獻歸西藏是則誠心嚮化不但歸降而且歸順矣

迺知守中國者不可徒言偃武修文以自示弱也彼偃武修文之不已必致棄其故有而不能守是亦不可不知耳知進知退易有明言予實服膺弗敢忘而每於用武之際更切深思定於志以合乎道幸而五十七年之間十全武功豈非

天貺然

天貺逾深予懼益切不敢言感惟恐難承兢兢惶惶以俟

天眷為歸政全人夫復何言

乾隆壬子季秋御筆

璽二八
徵耄念之寶

自彊不息

職思祈佑

璽一

八徵耄念之寶

十全老人之寶說

十全記既成因選和闐玉鐫十全老人之寶並為說曰十全本以紀武功而十全老人之寶則不啻此也何言之武功不過為君之一事幸賴

天佑劬劬歲局未加一賦而賦乃蠲四弗勞一民而民收無萬

今收

伊犁及回疆戶口豈止數千萬祇或免窮黷之譏耳若夫老人之十全則尚未

全也蓋君人之職豈止武功一事哉朱子曰一日立乎其位則一日業乎其官一日不得乎其官則一日不敢立乎其位官者何職之謂也君之職不能盡言况敢云盡其職乎未盡其職則十全老人之寶不亦涉自欺與誇而增慚愧乎然老人之十全實更有奢望不敢必以敬待

天佑者十全之武功誠叨

天佑矣則十全之盡君職或亦可以希

天佑乎夫適百里者半九十里予今三年歸政之全人不啻半九十而且如三十年之久矣是以逮七十而繫猶日孜孜以為歲

長蘆縣志 卷四
至八十而繫自強不息以為勉則此可必不可必三年中敢不
益勵宵衣旰食之勤益切敬

天愛民之念虔俟

吳貺或允臻十全之境視三年誠如三十年之遠幸何如之企何

如之惕何如之是為說 乾隆癸丑仲春月中澣御筆

璽二
八徵

耄念之寶 自彊不息

九老會詩

徵會昌之盛事祝

釐曾頌叶作朋繼辛巳之鴻儀增美仍序偕尚齒茲屆

慈闈八旬萬壽復得香山九老三班秩文武之崇階領以宗藩矍
鑠列林泉之耆碩遂其嘉會逍遙合廿七人之歲月多多積榮
而

延洪若券卜萬億年之

升恒永永依旬而紀瑞如環

累洽重熙欣符

景運載賡作繪具有成規用倡長言更期遞舉

九老三班前例曾十年一舉

介釐增

八旬慶湖

七旬典辛卯祥開辛丑徵肝食宵衣猶此佑右二王七文臣共六百八十八歲啓

疆拓宇底須能右武臣九人共六百八十五歲優遊林下同來賀右致仕九人共七百二十九歲

九歲

萬壽稱觴合作朋 乾隆三十六年歲在辛卯長至月御筆二 璽

惟精惟一 乾隆宸翰

千叟宴恭依

皇祖原韻

抽秘無須更騁妍 惟將實事紀耆筵 追思侍陞髻垂日祖於壬

寅歲舉行千叟宴實從古未有之曠典維時與宴王大臣命諸皇子賜觴以示慈惠至年未及歲之皇子皇孫並

者筵慶錫龍光燕譽之隆閱今乙巳凡六十四年矣訝至當軒

手賜年今歲乙巳朕御極五十年恭依皇祖盛典於新正月初六日再舉千叟宴禮其有年屆九十及一品大臣以上皆召至御筵前手賜之觴以昭君酢臣疇九重會

天恩國慶酬酢一堂之盛

天恩國慶萬春延

祖孫兩舉千叟宴史策饒他莫並肩 乾隆五十年歲次乙巳新

正月上澣御筆

八崖口

崖口平從舊路入 去年遇潦偶然思情當曲體惟茲衆知不可

違者是時去年入崖口偶緣潦水盛漲雖扈從人等俱至大營而行行李多未能到不可不曲體衆情罷圍旋蹕然農

隙講武時不可違而垂意最深遠今年自當依家法昭及老仍應塵武詰柔遐兼以

沛恩施予雖年屆八旬而精力尚健不敢以詰武為勞矧蒙古王公台吉等每年於萬壽前至山莊宴賚駢蕃即佈圍

之中兼寓恩施法制誠為美善秋雲朗霽山原廓獮典前年正

若斯

蒙古王公等進宴即席得句

塞嶺秋暄紅間去聲綠諸藩備宴効尊親穹廬進酒重孫壻席間進酒

者喀爾沁王曼珠巴西爾乃皇次孫綿恩之壻則予之重孫壻也詐馬臨場卅次人每年塞宴

設詐馬什榜相撲教馳四事以表敬候覽乾隆六年至今歲已四十次矣左右顧憐鮮等輩憶自乾隆辛酉

行圍木蘭爾時扈從者科爾沁親王羅卜藏滾布喀爾喀親王成滾札卜喀爾沁郡王依達穆札卜巴林郡王琳親教漢貝勒

以後次第彫謝茲行圍侍宴者皆子孫或曾孫輩矣長年何慶

有支持幸尚有精神天花示喜霏微落那學維摩不著身

巴顏和樂行圍作巴顏蒙古謂富和樂謂溝俗即謂巴顏溝

秋獮誠欣物賚紅蒙古謂紅色為物賚所獲巴顏果不負名崇

飲飛虎一鎗真壯命中鹿三矢未空是日射將至八旬猶策馬

迴思昔歲送歸鴻及能欲畢為君職

中祀躬親此意同夙願致政以前恭遇郊廟大祀歲

內皆親祭一周以盡負辰抱蜀之職今春躬祀歷代帝王廟

詩曾識此意若木蘭行圍乃恪遵家法已四十巡於茲矣

即數日以來圍場命中頗不覺勞然八旬後理宜節勞頭養擬弗策馬而今歲仍必舉行者及茲身體尚健亦猶中祀親祭一周之意耳

看城賜食有作用前巴顏和樂行圍即事韻收圍之處謂之看城亦曰等城等待圍之至也

停蹕看城曉日紅賜餐初弗論卑崇隨均藩部願都愜果普羽

林腹不空每在看城傳膳之日親視調和湯飯並煮羊炙鹿以賜御前大臣侍衛及扈圍之蒙古王公台吉侍衛等

無不權家野淹寒羊與鹿羊淹雞寒用鹽鐵論酸鹹調劑鴈和鴻好行小

惠漫生議養聖大烹意或同

出崖口作

君職詰戎率歲為擬八旬後可弗乘騎今歲仍必躬行秋彌亦猶一二年內願於中祀皆親祭一周以盡

君職之意詳見前已顏和樂行圍即事詩注出崖口合御車宜明秋禁苑開八慶後

歲山莊望九期明秋八旬慶典固當於京城御殿受賀後歲至山莊避暑則年已望九理應節勞罷乘騎矣

未致政寧當自逸擬臨觀敬效

前規予年十二侍皇祖圍中弗乘騎者已數年矣今秋連舉十三圍馬上命

中不減昔時仰邀天眷更加優厚後歲即不欲乘騎然秋

彌令典我朝家法所貽予未致政以前不敢自逸屆時仍擬

率皇子及孫曾元輩進木蘭令皇子等行圍予於看城臨觀或

坐而引弓射獸傲效前規是亦伊古所無之盛事惟待

天恩佑賚垂 乾隆己酉九秋御筆猶日孜孜 古稀天子之寶

天恩之 能如是否心誠願虔待

默佑耳

天章二

五十四

長慶監法志 卷四
初御皇極殿開千叟宴用乙巳年恭依

皇祖元韻

歸禪人應詞罷妍新正肇慶合開筵便因皇極初臨日朕於丙申年豫

營寧壽宮為歸政後頤居之所皇極殿即寧壽宮前殿也落成以來已閱二十年尚未臨御茲既紀元周甲幸符初願元正授璽子皇帝大典禮成敷天慶洽因誦吉初四日御此殿復照五十年新正乾清宮千叟宴之例再舉耆筵一時鮑壽盈階嵩呼拜舞洵為曠古未有之吉祥盛事重舉乾清舊宴年教孝教忠惟一篤曰今日昨又旬延敬

天勤政仍勛子敢謂從茲即歇肩 乾隆六十一年歲次丙辰新

正月上澣御筆

璽二 八徵耄念之寶 自彊不息

皇上御製詩

庚戌舟中作

甲辰下江浙淮浦放行舟問景平山嶼觀潮揚子樓萍踪暫
 栖息駒影幾春秋又趁颿檣力重為挂席遊 汶水春流穩
 揚帆錦浪中疾徐豈人力順逆任天風岸柳臨窗綠汀桃映
 纜紅津門問新景海月正高空 西望蜀山湖茫茫若具區
 波清浮碧藻天遠接平蕪沃壤連齊魯孤蓬憶越吳遊期又
 將半歸棹紀舟途 皇十五子



Blank manuscript area with vertical lines.

